

बच्चा के काणे बाइबल परस्तुति

यीक्षु को जनम



लिखबा हालो: Edward Hughes
व्याख्या करबा हालो: M. Maillot

अनुवाद करबा हालो: Bro. Warrington E. Lal
रूपान्तर करबा हालो: E. Frischbutter; Sarah S.

60 कहानियां म सूं 36
www.M1914.org

Bible for Children, PO Box 3, Winnipeg, MB R3C 2G1 Canada

लाइसेन्स - थे या कहानियां की फोटू कापी अर छापाई को काम करवा
सको छे पण यक भारत छे कि इके ताई बेचेगा कोइने ।

हाडोती

Hadoti

घणा बरसा पहली की बात छे क परमात्मा
ने येक देवदूत जिको नाम गेबरियल छे येक
यहूदी कुवारी कन्या के गोडे खंदायो जिको
नाम मरियम छे उने उसू खी क तू एक
छोरा न जणेगी जिको नाम यीक्षु
रखजे अर तूं सबसूं उंचो होवेगो

अर उंको राज
कधी भी खतम
न होवेगो ।



1

उ छोरी न अचरज सूं पूछी या कस्या
होवेगो । महने कधी भी कोई लोग को
मुंडो न देखियो । देवदूत न खी अरे यो
छोरो परमात्मा की आडी सूं होवेगो ।
कोई मन्ख इको बाप
न होई सके ।



2

फेर देवदूत ने मरियम स
खी क थारी काकी की
छोरी इलिदाबा क भी
बुढापा ने येक छोरो
होवेगो अर यो भी
अचरज छै । या सुणता
ही मरियम भागी भागी
इलिदाबा स मलबा गी
अर दोनिया न मलर
भजन किरतन करया ।




3

मरियम की सगाई युसुफ
नाम का यक भाईला स
हुई छी जद उने सुणी ख
मरियम पेट स छै घणो
दुखी होयो उंने सोची
क ने उंका पेट में
छै उको बाप म्हु
कोइने छूं ।




4

युसुफ ने छपना में देवदूत खी बातां
सुणी क यो ने छोरो पैदा होबा हालो
छै वू परमात्मा को बेटो छै । यी
कारणे युसुफ मरियम की सार
सम्भाल करबा लाग्यो ।



5

युसुफ परमात्मा को हुक्म मानबा हालो ओर उपे बसवास करबा
हालो छो । वू आपणा देस
का सारा कायदा कानून
माने छो ।



6

अर नया कानून का मुताबिक आपणो हासिल चुकाबा के
काणे आपणे घरणे का गांव
बैतलहम में मरियम न
लेर गयो ।




7

मरियम क जापो होबा ही
हालो छो । पण युसुफ क
ताई ठहरबा के काणे कठी
ठोर न मली वठी सैदी
धरमसालाआ
भरी छी ।




8

सबसू पाछे उके ताई ढांडा ढोरा न बांधबा की साल मली अर वठी छोरा यीक्षु को जन्म होयो । उंकी माई ने उने यक लता में लपेट न रखाणियो ।



9

गोडे सूं ही गुवालिया आपणी गाडरा नी रूखाली करता करता उंघरिया छ । परमात्मा का देवदूत न परकट होर वां क ताई यो अचरज को संदेशो दियो ।



10

आज थाके कारणे दाउद का सहर में एक मुकति देबा हाला नाना छोरा का जन्म होयो है अर वू मसीह परभू छै उने थां यक लता का टुकडा में लिपटियो पावेगा ।



11

उयी टेम फटाफट मनमान सारा देवदूत परगट होयो अर परमात्मा का भजन गाबा लाग्या ।




12

"आकास मे परमात्मा की महिमा अर धरती पर मनख्या म जिसू परमात्मा राजी छै शांति मले ।"




13

गुवालिया बेगा बेग उठरर ढांडान की साल में पूगिया अर उ छोरा न देखर ने बातां देवदूत न वासू यीक्षु के बारा में खी छी वा सैदी वांके ताई बताई ।




14

40 दना पाछे युसुफ अर मरियम उं छोरा न लेर यरुद्दलेम का मन्दर में पुग्या वठी एक बुढो ढोकरो छो जिनो नाम शमौन छो उन्हे उं छोरा के काणे परमात्मा को धन्यवाद मान्यो ।




15

वठी एक बुढी लुगायी हन्वा अर दुसरा सेवा करबा हाला मन्त्रियया न भी इ छोरा के काणे परमात्मा को धन्यवाद मान्यो ।




16

व दोनू जाणे छा ख यीक्षु परमात्मा को बेटो छै जे मुक्ती देबा हालो छै । वठी युसुफ ने दो परवेरुओ की बली परमात्मा के सामे चढायी । गरीब गुरबा नद आपणा बच्चा ने परमात्मा के सामे पहली बगत लावे छा अस्या ही करे छा ।



17


थोडा दना पाछे एक चमकीलो तारो पुरब देस का सूणियान न लेर यरुद्दलेम पुग्यो वठी नारर वांने



18


पूछी क यहूदियान को राजो जिको जनम हुयो छै कठी छै म्हा उंका दरसन करबा चावा छा ।

राजा हेरोदेस न या बात नद सूणियान से सूणी तो उ परेक्षान होग्यो अर वां सूं खी क थाने यीक्षु को कठी मल्यो, म्हु भी उंका दरसन करबा चाउ छू, । उने खी पण वूं झूठो छो, वूं तो यीक्षु के ताई जान से मारबा चावे छो ।




19

वू तारो सूणियान ने लेर उ ठोर पर ठहरगियो जठी युसुफ अर मरियम आपणा बच्चा के लारा छा । सूणियान ने गोडा टेकर दरसन करया अर सोणो, लुबान अर घणी मेहणी मेहणी सुगन्ध की चीजा को चढावो चढायो ।




20

परमात्मा ने सूणियाब को चेतायो
के थे चुपचाप अठे सू थांका घर
चली जानो क्योके हेरोदेस राजो
घणो गुस्सा म छे उं इ छोरा न
मारबो चावे छे ।




21

फेर हेरोदेस न वती
बैतलहम मे सैदा
नाना नाना छोरा
न मरवा दिया ।




22

पण हेरोदेस परमात्मा का
बेटा को कांई भी न
बगाड सक्थो । यूसुफ
छपना मे चेतावनी पारर
मरियम अर यीक्षु के ताई
चोखी सुरक्सा मे लेर
मिरु देस चलीग्यो ।



23

जद राजो हेरोदेस सरग
सिधारग्यो यूसुफ अर
मरियम यीक्षु के ताई
लेरर पाछा मिरु देस
सू आग्या ।



24

अर नान्हा सा गाम
नासरत मे जे गलील क
समन्दर के गोडे छे रहबा लाग्या ।

यीक्षु को जन्म

बाइबल सू परमात्मा की वाणी में कहाणी

मे पायो गियो

मत्ती 1-2 लूका 1-2

“जे आपणा जीवन में उजालो करे छे ।”

भजन 119:130

परमात्मा जाने छे के आपण ने घणा दुष्टता रा
काम करिया छे जिणे व पाप माने छे अर पापा री सजा मौत छे ।

परमात्मा आपण सू अतरो परेम करे छे क उने आपणो लाडलो बेटो
सलीब उपरे मरबा के तई दे दियो ताकि म्हारा अर तम्हारा पापा के कारण
आपणी जान री बली देई सके । परभू यीक्षु मर र पाछो जीवतो हो
ग्यो अर सरग में जाई न बैठ ग्यो ताकि परमात्मा म्हारा अर
तम्हारा पापांन क्षमा करी सके ।

अगर थां थांका पापांन सू पछतावो करवा चाहो तो उसू आ प्रार्थना करो :
परेमी परमात्मा म्हारे ताई बसवास छे ख यीक्षु परभू न म्हारे पापांन क
काणे आपणो बलिदान दियो छे अर मरी न पाछो जीवतो हाईग्यो । हे
परमात्मा थे म्हारी जिनदगी में आवो और म्हारा पापा न माफ करो ताकि
मूं एक नवो जीवन जी सकूं अर हमेसा हमेसा थांके लारा रह सकूं ।
परमात्मा म्हारी मदद करो ताकि मूं थारा बेटा के रूप में थारे
कारण जी सकूं । आमीन यूहना 3:16

बाईबल पढो अर रोजाना परमात्मा सू बातां करो